

Date – 05/02/2026

Time - 7:30 -7:40 Hrs
Thursday, February 05, 2026

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Chief Minister Pu Lalduhoma kaihhruai Council of Minister thukhawm chuan India leh Myanmar ramri hung chu duhlo mahse Central Subject a nih avangin state sorkar chuan dodal theihna a nei lo an ti.
- 2. Sorkarin kumina sawhthing hralhna tura tender rate an bituk kg-a cheng 40 atanga cheng 45 inkar chu chhangtu an la awm lo.
- 3. Manipur Chief Minister atan Yumnan Khemchand Singh chu nizan khan rinawmna thu tiam tira lakluh a ni.
- 4. Prime Minister Narendra Modia chuan Manipur CM thar Yumnam Khemchand Singh chu a lawmpui thu a sawi

<><><>

COUNCIL OF MINISTERS MEETING

Chief Minister Pu Lalduhoma kaihhruaiin nimin khan Council of Minister te Meeting neih a ni a, India leh Myanmar ramri hung chungchangah Mizoram sorkar chu a dinna ngaiah a la ding a. Amaherawh chu Central Subject a nih avangin state sorkar chuan dodal theihna a nei lo an ti a ni.

An thu pawm dang zingah School Provincialise theih te chu hlankai ni se an ti a, Dan anga tih fel ngai te tihfel a nih hnuah Law Department endik tur a ni a, chumi hnuah Finance Department leh DP & AR paltlang a ngai leh dawn a ni.

Hei bakah hian The Mizoram State Cooperation Policy, 2025 - The Mizoram Home Guards Rules, 2025 - Sialkal Range Development Council Draft Bill, 2026, Mizoram Private Security Agencies (Amendment) Rules, 2026 te, Mizoram Jan Vishwas Bill siamthatna tur te, Mizoram Drug treatment-cum-Rehabilitation Centre Accreditation Draft Rules, 2026 te an pawm a ni.

<><><>

CYMA

Central YMA chuan nimin khan ruihhlo dona atana hman tur lirthei pakua chu Reliance Foundation-te hnen atangin an dawng.

Formosa Foundation kaltlang a Central YMA te lirthei dawn hi Mahindra company siam Bolero Camper a ni a, lirthei inhlanna hun Central YMA pisa tualah neih a nih hnuah Mizoram hmun hrang hrang a sub-headquarter pakua te hnenah lirthei hi hlan chhawn leh nghal a ni.

Lalhruaitluanga, PTC Aizawl.

<><><>

CENSUS

Sorkar laipui hnuah Directorate of Census Operations hotute chuan kumin April thla atanga September thla chhungin chhiarpui thawh khatna, ram pumah neih a ni dawn, an ti.

Census Operations hotuten Akashvani News Aizawl an hrihlh danin, kumin April thla leh September thla inkar a chhiarpui thawh khatna neih tur hi, a hmingah house listing operation tih vuah a ni a, hemi hnuah hian chhungkaw member zat leh chhungkaw lu berte chhinchhiah a ni ang. Census Operations hotute chuan Akashvani corr zawhna chhangin, Mizoram a census thawh khatna tih hun tur ni chu sorkar laipuiin a la hriattir rih loh thu an sawi a, hriattir an nih ve leh Mizoram sorkar hnuah census kaihnavih State Nodal Agency nen chet lak dan tur an rel tur thu an sawi bawk.

Census Operation hotute sawi danin chhiarpui thawh hnihna “Population Enumeration” chu nakum 2027 February ni 9 atanga ni 28 February chhunga neih zawh hman vek tum a ni bawk.

Kan correspondent report i lo ngaithla ang.

”India ramah hian chhiarpui hi kum 1881 atang khan fumfe takin kum 10 danah neih chhoh tan a ni a, kum 2021 kha dan pangngaiah chuan chhiarpui tum 16-na neih hun tur a bituk kum nimahsela, Covid-19 hri leng avangin neih theih a ni ta lova, 2021 atanga chhiar a kum nga hnu, 2026 atangin chhiarpui tum 16 na nei tur hian nikum 2025 June ni 16-a Ministry of Home Affairs thuchhuak angin inpuahchahna kalpui chhoh tan a ni.

Chhiarpui tum 16-na neih turah hian hun dang ang lo takin mobile application hmangin chhiarpui thawh khatna, house listing operation neih a nih

hma ni 15-ah chhung tinten Self enumeration tih tur a ni a, hei hi sorkar laipui atanga thuchhuak a awm ve leh Mizoramah pawh tih tan nghal tur a ni a, a tihdan tur pawh sorkarin a rawn tichhuak mai tura rin a ni.

C. Lalhmunsangi, Akashvani News Aizawl.



GINGER

Mizoram Agricultural Marketing Board (MAMB) hotute chuan kumina sawhthing hralhna tura tender rate an bituk kg-a cheng 40 atanga cheng 45 inkar chu chhangtu an la awm lo tih an sawi.

MAMB hotute’n Akashvani News Aizawl an hrilh danin, sawhthing chingtuten a an sawhthing hralh tur an dahkhawmna Secondary Collection Center (SCC) chu kumin atangin awmze nei taka kalpui a nih thu an sawi a. Nikum lama sawhthing chingtute’n an sawhthing chawh hmasak apiang SCC-a an dah khawm chuan sawhthing rihna a tih hniam bakah tawih chhia a siam tam avangin hemi pumpellhnan hian kumin lamah chuan sawhthing dah khawm pawh awmze nei zawk a an kalpui thu an sawi. SCC-a sawhthing dah luh chu a dahna ipah a neitu hming leh khaw hming bakah ration card number emaw aadhaar card number ziah tel thlap thin a nih thu an sawi bawk.

Kan correspondent report i lo ngaithla ang.

“Mizoram Agricultural Marketing Board hotute chuan mi thenkhatin Manipur leh Burma atangin sawhthing chawh sa man tlawm te a la lutin, Mizoram a chin ang a hralh chhawn leh an tum tih an sawi a. Hetiang thil ti thinte hi an hming leh an khua an hriat vek tawh bakah Champhai Bawrhsap leh Home Department lam pawh hriattir an nih tawh thu an sawi bawk”.

Lalengmawii, Akashvani News Aizawl.

Hetihlai hian Vairengte khaw chhung leh a chhehvel khua Phainuam,Chhimluang , Saipum ah te hmunphiah hring hralh mek a ni a.

Kan corr thudawn danin hmunphiah hi sawrkar empanel buyer Zohanco chuan a ro chauh an lei dawn a, amaherawhchu Assam Bhaga lam atangin hmunphiah hring lei duh private buyer an awm avangin hmunphiah chingtu te hian a hring chu cheng 50 atanga cheng 52 inkarah heng sumdawng te bulah hian an hralh a ni.

Hmunphiah hi hriat theih chinah quintal 15 hi trip khat ang vela chhut ani a , trip 15 chuang chu heng private buyer te hian an lei tawh ani.

Vairengte khaw chheh vela hmunphiah chingtu te chuan kumin hi kum dang aia hmunphiah rate a that thu sawiin nikum lama kg1 cheng 20 vel chauha an hralh theih laiin kuminah cheng 50 te a kai chho hi an lawm hle ani tih an sawi.

Sawrkhar in thu a chhuah tawh angin sawrkhar empanel buyer Zohanco te chuan hmunphiah an lei dawnin Society lam nen a inremna ziah vek ni se atih angin nizan khan Vairengte an thleng a, Society te nen inremna siamin hmunphiah ro lei tan theih vat an tum thu an sawi a ni.

<><><>

MPCC

Mizoram Pradesh Congress Committee MPCC chuan tunhnaia Lengpui Airport bula Indian Air Force in ram diklo taka lei leh Compensation tam taka pek chungchang chu ZPM Val Upa Council te inrawlh a, chhui chianga action la turin an phut an ti.

ZPM hian kum 2023 inthlan hma khan thutiam tamtak an nei, Val Upa Council chu an sawi pawimawh in, sawrkhar khalh ngiltu tur, zilh ngai zilh a, ban thei hial tura thuneihna pek an niin an sawi an ti a, mahse tuna an thlen chinah hian an hnuhma leh inrawlhna hriat tur a awm lova, ZPM sawrkhar hnuaia Lengpui ram, dan kalkana IAF hnena hralh a ni leh sum tam uchuak tak mantangah a kal ral chungchangah pawh hian Val Upa Council chu an awm nge awm lo tih hriat loh khawpin an reh a ni an ti.

He ram diklo taka inleina chungchangah hian MNF sawrkhar kalta khan ram inlei phalna an pe a, ZPM sawrkarah hralh a ni thung tih MPCC chuan sawiin an ni party pahnih hi an fihlim lova, mahse pawisa dawngtu zawk chu an awm tih sawi chian a ni a, kut an thlak ve ve avangin inpuh tur chuang bik an awm lova, ram leh hnam pawl nasa takin an khawih a ni tih inpawmin Mizoram mipui hnenah ngaihdam dil se, an tihsual chu siamtha se an duh an ti bawh a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

LIQOUR SEIZED

Mizoram sorkar chhinchhiah danin, nikum December thla chhung khan zu zuar mi 608 bakah rakzu litre 4,964 chuang man a ni.

Mizoram sorkarin a chhinchhiah danin, nikum December thla khan Excise and Narcotics Department chuan zu zuar mi 593 an man a, Mizoram Police pawhin zu zuar hi mi 15 man bawkin, zurui Excise lamin mi pakhat an man bakah, Police-in mi 6 an man bawk. Nikum 2025 December thla a Excise and Narcotics Department ten zu bilh lai an man zat chu tin 3,336 a tling a, Sapzu-IMFL chu Excise and Narcotics Department hian ml 750 bottle 2,020 an man a, Police lam pawhin bottle 1,848 an man bawk, Excise leh Police-in a um puitling an man zat hi bottle 3,868-a tling a ni.

Excise and Narcotics Department-te hian IMFL hi um chanve chi 1,701 bakah Mizoram Police-te chuan bottle 576 an man a, sapzu um chanve man hi a belhkhawmin um 2,277 a ni a, hei bakah hian Mizoram Excise and Narcotics Department chuan IMFL ml 180 bottle 2,144 bakah Beer ml 650 bottle 21 leh canned beer ml 500 can 8,780 an man bawk.

Excise and Narcotics Department chhinchhiah danin, thei atanga siam, fruit wine chu nikum December thla chhung khan litre 3 chuang man a ni a, BEDC pawh Excise lam hian litre 143 an man bakah, Police lamin litre 372 an man a, Excise leh Police in a BEDC an man belhkhawm hi litre 515 chuang a ni a. Ram dang atanga zu lakluh hi Excise lamin um 21 an man bakah ram dang atang thova canned beer lakluh can 264 man bawkin Excise and Narcotics department hian zu sakna bel 38 an man bawk.

Kan correspondent report i lo ngaithla ang.

Zu kaihnawih avang hian Excise and Narcotics Department chuan lirthei 3 an man bakah Mizoram police lamin lirthei 12 an man a, zu kaihnawih avanga Excise and Narcotics Department leh Police Department-in a lirthei man zat hi nikum December 2025 khan 15 a tling a ni.

John Vanlalchhuanga Akashvani News Aizawl.



PRESIDENTS RULE REVOKED IN MANIPUR

Manipur Chief Minister atan Yumnan Khemchand Singh chu nizan khan rinawmna thu tiam tira lakluh a ni.

Puan tawh angina nimin khan Manipur-a President's rule puan mek chu President Drouapadi Murmu-i chuan a hlip a. Nikum February ni 13 khan Manipur ah hian Presidents Rule hi puan a ni a. Chief Minister nilai N Biren Singh a ban hnuah Presidents rule hi puan a ni a.Tuna Manipur sawrkar hian March 2027 thleng term a la nei a ni. Union Home Ministry chuan thuchhuah siamin President Murmu-i

chuan ram danpui article 356 tlawhchhana Manipura Presidents Rule puan mek chu hlih a nih thu a tarlang a ni.

Manipurah hian BJP kaihhruai sawrkar lakluh a ni ta a. NDA Legislature Party inhmukhawm chuan Minister hlui Y Khemchand Singh chu an leader atana thlangin Manipur Chief Minister thar tura thlan a ni a.New Delhi-a BJP headquarters ah nimpiniah khan BJP Legislature Party te hi an thukhawm a. He thutkhawmah hian BJP MLA 37 zingah 35 an tel thei a. BJP Central Observer Tarun Chugh,BJP North-East Incharge Sambit Patra leh BJP State President A Sharda Devi te pawh an tel a ni.

Y Khemchand Singh hian nimn khan state sawrkar a siam theih thu hi Governor Ajay Kumar Bhalla hnenah a thlen a. Nizan khan Manipur Lok Bhavan ah Chief Minister thar lakluh a ni a. Hemi rual hian Kuki hruaitu leh minister hlui Pi Nemcha Kipgenleh NPF MLA Losii Dikho te chu Deputry Chief Minister atana lakluh an ni bawk. BJP MLA- Govindas Konthoujam and NPP MLA- Khuraijam Loken te pawh Minister atan lakluh an ni bawk a ni.

Hetihlai hian Maninpur Legislative Assembly Secretariat chuan naktuk Zirtawpni hian Manipur Legislative Assembly 12-na Session vawi 7 na neih a nih tur thu a puang a ni.

Prime Minister Narendra Modia chuan CM thar Yumnam Khemchand Singh chu a lawmpui thu a sawi a. Hei bakah hian Deputy CM pahnih Nemcha Kipgen and Losii Dikho te pawh a lawmpui thu a sawi a ni.

<><><>